

Die I.



ONASTERII *Eiffie* in pervetustâ Collegi-
atâ translatio SS. CHRYSANTHI &
DARIÆ Coniugum Virginum & Martyrum.
Ex Chron. SS.

II.

IN omnibus Soc. IESV domicilijs festum S.
FRANCISCI *Xaverij*, Viri, cuius animo alter etiam
orbis angustus fuit. Vixit Virgo & pauperum Pater;
decies centena Indotum & Barbarorum millia sacrâ
vndâ solus abluit; demortuos in vitam revocavit quin-
que supra viginti. Ad extremum dum vastissimum
Sinarum regnum laborat ingredi, in ipso eius por-
tu Sanctiano anno 1552. ad cælum animam ap-
pult. A GREGORIO XV. inter Sanctos cum
quatuor alijs meritissimè numeratus. *Ex vita.*

IV.

SIGEBERGÆ S. ANNONIS Confessoris Comi-
tis *Dasselij*, HENRICI tertij Imperatoris Cancel-
larij, Episcopi *Coloniensis*, & loci eiusdem Fundatoris,
qui ad memoriæ cultûsque Sanctorum perpe-
tuitatem, dum viveret, templa, delubra, mo-
numenta Sanctis erexit in terris, ita à morte ipse
Sanctus inter Sanctos regnat in calis. *Ex vit.*

IX.

IX.

SUSATI in *Marchia* S. PATROCLI Martyris Reliquias à *Carcaffoviensi* in *Gallia* Episcopo acceptas, S. Bruno Archiepiscopus *Coloniensis* anno à Partu Virginis 965, istic magnificâ Cæremoniâ inter faustas populi acclamationes religiosè deposuit. *Ex fast. Gel.*

XIII.

DUSSELDORPHII S. LUCIÆ pro fide Christianâ non vno sanguine perfusæ Martyris sacrum Caput à WILHELMO Montium Principe A. restauratæ Salutis 1393. eò ex Aldenbergensi Abbatia omnium Ordinum comitatu frequentissimo translatum fuit. *Sanctum profectò magnûmque eiusdem Prælati Donum. Ex Fast. Gel.*

XIV.

S. AGNES Imperatrix GUILIELMI Aquitanie Ducis Filia, HENRICI Tertij huius nominis Coniux: quæ licet omni virtutum genere emerneret, præcipuè tamen liberalitatis nomine erga pauperes commendata est; & post fata miraculorum gratiâ eluxit. *Ex Annal.*

XVI.

S. ADELHEIDIS OTTONIS primi Imperatoris

Dd 3

Vxor

Vxor, & B. RUDOLPHI Burgundiae Regis Filia, hodie Cælitibus annumerata est, insignis Reginae cali Angelique Comitissæ exactissima cliens. Ex Vind.

XVII.

VERVS MONS olim, & nostrâ hac ætate ad pristinam sanctimonie speciem ambulans, venerabilem HERMANNVM genuit, qui cum esset *Coloniae S. Cuniberti* prædives Canonicus, seculi vanitatibus plus æquo deditus, altâ nocte **MARIAM** *Maiestate vultus, & multâ luce venerandam spectabilem habuit; à quâ de liberiore vitâ mundôque deserendo gravissimè monitus, mundi suique* **VICTOR**, *inveteratum mundum in Veteri (verius in Novo) Monte exiit, & novum hominem induit,* **DEO** *Heroicis suis virtutibus ita charus, ut primus ad S. ENGELBERTI Tumbam crure pedèque claudo perreptârit, & sanus abierit; magnôque sui desiderio relicto, ad S. Engelberti Angelorumq; Societatē demū abijt. Ex vit. & Mart. Can.*
 In eadem perillustri familia denatus est **GVILIELMVS** *Monachus* 22. Sept. ad Sancti vsque cognomentū; ore vulgi in pretio, dum viveret, habitus: neque aliud de eo reliquit avara Antiquitas.

XVIII.

IN Monte S. Archangeli MICHAELIS, *Sigeber-*
ge, B. Presbyteri WINIBALDI, cuius potior
Reliquiarum pars eâdem, quâ corpus S. BENIGNI
sacrâ Vrnâ continetur. Ex Chron.

XIX.

MEGENGOR *Geldrie Comes*, militari scien-
 tiâ eximius, eoque nomine OTTONI *eius*
nominis Tertio cum primis charus, qui cum uni-
 cum à Coniuge GERBERGA *filiam* sustulisset, &
 hunc ipsum in bello *Bohemico*, ac primo illius
 ætatis flore amisisset, eo *Filij casu monitus Pater*,
 suas in tuto opes collocare didicit, easque *Cœ-*
nobio, cui ADELHEIDAM *Filiam* præfecit, ex
 asse dedit & assignavit. Ipse quoque totâ men-
 te à mundo abesse cum non posset corpore,
 Castitatem deinceps cum GERBIRGA suâ co-
 lere, lectioni Sacrarum litterarum se dedere,
 denique in oculis nil præter mortem, & æter-
 nitatem habere cœpit, ne mors imparatum
 offenderet, quam lætus animo paratissimo ex-
 cepit. Ab eâ Adelheidi *Abbatissæ* primùm uisus,
 hæc ei *Psalmistæ* verba blandissimè edixit; *Ecce*
quomodo moritur justus, & nemo recogitat! Tum
 alteri

alteri deinde è vestalibus, regio cultu fulgens
indicauit MEGENGORIS *nomen* in MEGEN-
CAVDII sibi mutatum esse. *Ex vit. S. Adelbeid.*

XXI.

S• I V T T Æ *Sponheimensis Comitissæ ac Virgi-*
nis raræ pietatis, dies triumphalis, & HIL-
DEGARDIS Virtutum Magistræ; que omnem illi a-
teneris pietatem instillauit, virtutis & sceleris
præmia à Deo expectanda docuit. Sanctimo-
niâ tandem, ut & rerum diuinarum medita-
tione eximia, inter beatarum Mentium plausus
cælum adijt. Ex Vind.

XXIII.

HEISTERBACI agunt anniuersariū venerabilis;
GODEFRIDI, *Viri admodum Religiosi; qui*
eum doctrinâ eximius apud Vbios S. ANDRÆ
in signis Collegiæ ageret Scholasticum, dedit
illi Dominus scientiam Sanctorum, ut salutis A-
sylon Heisterbaci reperiret; ubi ex Doctore discipu-
lus; ex diuite pauper, ex Canonico Monachus fa-
ctus, & in ipso tirocinio, aspectabili dæmonis
specie sæpe exagitatus, Victor euasit; Votisque
in exactâ ætate emissis, illico obiit caelestibus Votis

sine fine beandus; *exitu suo docens nullam Celo
atatem esse infirmam.* Ex Chron. Magno sanctimoni-
æ post se relicto nomine, quatuor eiusdem jncly-
tæ familiæ venerabiles Heroes Conradus 15. Gui-
lielmus 25. Augusti, Rudolphus 17. Appolonius
30. Octobris Cæli iter ingressi sunt. Plenior
acceptâ informatione olim merito suo cele-
brandi.

XXIII.

Essendiensî & principe quidē in Æde exaltatio ve-
nerabilis GERSWIDÆ Sororis S. ALFRIDI Epif-
copi, & primæ Abbatissæ Essendiensis, quæ totam
sese Numinis cultui mancipavit; erga pauperes
ac peregrinos mirè benefica atque liberalis.
Quæ instante morte, *Mi IESV* exclamavit, *te
testem habeo, te præter nihil me unquam expetisse
Huiusque Vulnera in Cruce, præsertim sanctum Pe-
tus exosculata, eo in actu sanctissimè expiravit.*
Ex fastis Gelenianis.

XXX.

ARNHOLDVS secundus, decimus septimus
Cliviæ Comes, erga Deum pius, & subdi-
tos vsque ad eò benignus fuit, vt raro & ex-
cellenti elogio, *Boni cognomentum meruerit: Vxo-
rem duxit IDAM Suevam CONRADI Imperatoris Fili-
am, FRIDERICI Barbarossæ Sororem, quaternâ pro-*
Ee le sc-

le felicem THEODORO ARNHOLDO mutuis suc-
 cessoribus ALEIDE Comitissâ de Marcha, & MAR-
 GARITA Comitissâ de Aere & Meer ad Novesium. Po-
 sterior hæc genuit THEODORVM Comitem Mærsa-
 num minimè longævum, Filiâsque duas ELIZA-
 BETAM RANDE RADIAM, HILDEGUNDIM Mee-
 rensem; quarum postrema (â bonorum amicabi-
 li divisione cum sorore institutâ) arcem suam
Mærensem in Cænobium Ordinis Præmonstratensis
Vestalium A. C. 1160. convertit, hodie dum mo-
rum regularumque observantiâ nobile: in quo
ipsa primam Antistitem egit, unâ cum Matre ibi-
dem professa, in Templi Choro terræ mandata:
 ARNOLDO & in Prole sua edita Fatis bono ac fe-
 lice. Idem anno Christi 1117. Ecclesiæ Zephli-
 censis legitimè electus est Patronus; & Decimas
 territorij in Gernensell eidem Ecclesiæ Zephli-
 censis attribuit A. 1119. Cellam Variburgicam in sub-
 urbano Sanctensium Monte sitam, CUNONE Ab-
 bate Sigebergensi, Norberto Canonico tum San-
 ctenli & postea Magdeburgensi Episcopo præse-
 titibus crexit ad Christi eiusque Matris admirabilis
 honorem. Hoc ARNHOLDO regnante *Illustris*
Ordo Præmonstratensis coeptus est. NORBERTVS
 enim illustri oriundus profapiâ, amplissimo suo
Can-

Canonicatu SANCENSI relicto, Ordinis eius Auctor Fundatorque extitit, A. à Virgineo Partu 1115. per Gallias, Saxoniam, utrumque Belgium Dei verbum seminando, ac suavissimâ Numinis providentiâ multos & nobilissimos utriusque sexûs nactus est Sectatores, & Sodales, ut indicant eius ævi versus:

Anno milleno centeno, bis quoque deno,

Patre NORBERTO Præmonstratus cæpit Ordo.

Qui postea per Cliviam, Iuliam, Hammeren, Averdorp, & Steinfeld feliciter propagatus est. Auctor quoque eximiè Zelosus, B. NORBERTVS fuit huic ADOLPHO ut Oratorium Montanum (Betberg) in Monasterium eiusdem Ordinis Præmonstratensis A. 1121. converteret; quod S. S. istorum Duumvirum cæptum ita gratum ratumque habuit CONRADVS Imperator, ut ligna ædificationi necessaria vicino ex nemore Imperiali A. C. 1138. eodem loco assignaverit; & ARNHOLDVS Clivie Comes ei Ecclesiam adiecerit. Sed cum illa dein ex Parochiali Monrebergico à THEODORICO A. 1314. in eam translato COLLEGIALIS redderetur, illius loco Ecclesias Dufflianam, Keberdomium & Kellensem Clivaco in saltu, Coenobio Betbergensi concessit.

Neque solùm *B. Patriarchæ* NORBERTO notus ARNOLDVS, verùm & *S. BERNARDO Clavallensium Abbati* familiaris fuit. *Cuius* consilio & auctoritate motus CONRADO *Imperatori* A. 1149. in *Syriam* eunti subsidia militum misit. THEODORO quoque *Hollandiæ Comiti* suavit ac persuasit ne cum *Kuickio Parricida* in gratiam rediret, nisi *Abbatia Insule Marcanæ eiusdem Ordinis Præmonstratensis in Batavia* prius fundatâ. Et hæc sunt sacra illius in Posteris benevolentia monumenta. vberiora si quis desiderat, *Ordinis Præmonstratensium Annales* evolvat, & desiderio suo faciet satis. Omnia de ARNHOLDO hoc dixerit, quisquis illum duob' Patriarchis familiariter usum affirmarit: Coronidis tamen loco non omittendõ existimavi. Vbi *Gubernacula Cliviaci Comitatus* suscepit, cum subditos mitissimè, pro gentis genio, tractasse, & subditorum acerrimo sensu *Patriæ Patrem* lugentium doloribus patientiâ gloriosis, & vitâ defunctus est *Betburgi*; medio in Choro ad dilectissimæ Coniugis suæ latus depositus; quem sic breviter depingit *Streithagerus*.

Quod

Quod naturæ ordo regimen prohibebat adire,

Arnoldo Fratris cæssio facta dedit.

Et velut ille foris belli fuit inclytus arte,

Sic placido Imperio claruit ipse domi.

XXXI.

Iustus Coccius.

Complures hodie anno exeunte, opinantur
 è vita exiisse Iustum, seu Iodocum Coccium,
 qui Coronidem minutulis Scriptionis meæ la-
 borib' imponet. Erat Vir doctrinæ integritatis-
 que nomine celebratus Ravenspergio-Billeveldi-
 us, B. Virginis Collegiæ Iuliacensis Canonicus,
 Theologus, ac trium sacrarum linguarum peri-
 tiâ non vulgari præditus; historiarum, & præ-
 fertim Ecclesiasticæ solertissimus indagator; di-
 tissimi Thesauri Catholici Inventor, Theologis
 Concionatoribus, Ecclesiasticis, omnibusque
 veræ fidei, pietatis, ac Christianæ Antiquitatis
 amantibus summè utilis. Erat hic Iustus mo-
 rum gravitate suavissimus, mansuetudine & re-
 ligione venerabilis, ab omni cupiditatis specie
 alienus, vt plures proventus Ecclesiasticos
 identidem offerentibus responderet: *Absint,*
ò mei, plura beneficia, quæ viam sternunt ad supplicia.

Multa ille doctè, religiosè, fortitèrque pro religione gessit, ob eandem non semel à Patria sua exul. *Neg*, pauca ab Ravenspurgijs suis acatholicis passus, quod erudito suo calamo lipsanomachorum, aliorúmque minùs rectè de Catholica Religione sentientium perfidiam ita configeret, ut quidquid contra fremerent turbarèntve Concionales ministri, ad silentium vsque eos compelleret, suisque provincialibus affusas tenebras ostenderet. *Quibus Heroicis in laboribus IUSTVS* hic dum *Orbem Christianum* suamque Patriam Ravenspurgicam *THESAURO suo CATHOLICO* ditáisset, *morte* occupato *illud Regij Psaltæ* ad *Laborum Bravium profecto* iure accinimus:

In memoriâ eternâ erit Justus: ab auditione male non timebit psalmo centesimo vndecimo.

ATQUE ISTE

ILLVSTRIVM ANIMARVM HEROVMQVE

Finis esto:

Quorum si vocem vltimam

audire lubet,

Accipite.

REDI-

REDIVIVI
AD
MORTALES



Usus est cineribus & longâ nocte REDIVIVI MANES, terras, Provincias, Castra, Vrbes, Arces, Aras, ac Tempa revisentes nostris olim legibus exemplôque ita instructa, ut cuius in ijs, cum DEO & ad DEVM ambulandi via facilis & aperta deesse non possit.

Nobiscum enim, si placet, hodie dum IULIÆ, CLIVIÆ, MONTIVM, MARCHIÆ, RAVENSPURGI, MOERSIÆ, reliquâsq; amplissimarum Provinciarum partes circumspicite; & in omnibus illustra nostræ & ROMANO-CATHOLICÆ RELIGIONIS VESTIGIA manifestissime reperietis.

Vrbes Oppida, fora, pagi, vici, agri, silvæ, montes, valles *priscam* & ROMANO-CATHOLICAM RELIGIONEM spirant, ut hominibus etiam tacentibus, saxa, lapides & ligna de parietibus rectam salutis viam monstrant
& lo.

& loquantur. Proinde, *Filioli nostri*, nolite errare & degenerare à *Præcellis MAIORVM VESTRO-
RVM Cogitationibus*. Non vos fallat multitudo er-
rantium, quæ errori non facit patrocinium; nec enim *Psalmo Rythmizato* ouando cælum
petitur: *Non est ad Astra mollis è terris via, Vi-
olenti namq; & qui ardua, DEI caussa, patiuntur, &
agunt, illà gradiuntur, cælumque rapiunt.*

Ne itaque erretis *Filij dilectissimi*, non enim
*de corruptibilibus auro & argento, sed de salute, de
aternitate, de animabus pretioso CHRISTI
IESV SANGVINE emptis & redemptis res est:*
cauete animabus vestris, *ne in opprobrium SAN-
GVINIS CHRISTI, plaudente Orco, his ipsi
impleatur infernus, in quo DEVS neque da-
mnatorum tormentis pascitur, neque lamentis
flectitur.*

Quare *state super vias antiquas, & interro-
gate* (non *Nouatores*) *sed Maiores Vestros &
dicemus, que sit via bona, recta ac bene placens
DEO, non vno Martyrum sanguine perfusa. Cogi-
tate generationes singulas, & uidete, an ullus
ex nobis alià quàm ROMANO-CATHOLICA
uià ambulauerit, & vitam clauserit? & Vos, quæ
Confir-*

confidentiâ novam, nullius hucusque exemplo securam viam tentabitis?

State, state, obsecro, super vias antiquas, & ex tritâ viâ regiâ, tot exemplis firmata nolite, certo salutis periculo, declinare ad devia, quæ tenuisse perijsse est.

Clamamus iterum, quia amamus; & per IESV CHRISTI sanguinem hortamur & rogamus, ut stetis super vias antiquas, & NOSTRAS, per hunc vobis calamum redivivo exemplo monstratas.

De itineribus aternitatis, immo de ipsâ longâ æternitate agitur, quâ bene aut malè æternum vivendum.

Centies millies, in infinitum & ultra felices, qui Maiorum suorum ROMANO CATHOLICA, eâque solâ antiquâ & salutari viâ ac fide gradiuntur: centies millies millies, in aeternum, & ultra miseri infausti, & infelices, qui aliâ novâ ambulant! in hac enim non nisi semel, sed (heu dolor!) æternum erratur.

F F

INDEX

DECEMBER

considerabili noverit, nullius inculpae eximie
prosecutione sua carere...

CHRISTIANISSIMO...
...per hunc...

...Catholica...

INDEX